

# C A I B. III.

geal an Tighearna dha ann, an lafair theine a meadhon pris: agus dh'amhairc e, agus feuch, bha 'm preas a' lafadh le teine, ach cha robh am preas air a losgadh.

3 Agus thubhairt Maois, Tionndaidh mi nis a leth-taobh, agus chi mi 'n sealladh mòr fo, c'ar son nach 'eil am preas air a losgadh.

4 Agus an uair a chunnaic an Tighearna gu'n do thionndaidh e a leth-taobh a dh'fhaicinn sin, ghairm Dia air a meadhon a' phris, agus thubhairt e, A Mhaois, a Mhaois. Agus thubhairt efan, Tha mi 'n so.

5 Agus thubhairt e, Na d'thig am fagus 'an so; cuir dhìot do bhròga bhàrr do chos, oir an t-àit' air am bheil thu d' fheasamh, is talamh naomh e.

6 Thubhairt e mar an ceudna, Is mise Dia t'athar, Dia Abrahaim, Dia Ifaaic, agus Dia Iacoib. Agus dh'fholaich Maois aghaidh: oir bha eagal air amharc air Dia.

7 Agus thubhairt an Tighearna, Chunnaic mi gu cinnteach amhghar mo shluaigh a ta 'an Eiphit, agus chuala mi 'n glaoth air son am maighstirean-oibre: oir is aithne dhomh an doilgheas.

8 Agus thionig mi nuas g'an faoradh a laimh nan Eiphiteach, agus g'an toirt suas a mach as an fhearann sin, gu fearann math agus farsuing, gu fearann a ta fruthadh le bainne agus mil; gu èite nan Canaanach, agus nan Hiteach, agus nan Amorach, agus nam Peridfeach, agus nan Hibheach, agus nan Iebusach.

9 A nis uime sin, feuch, tha glaoth chloinn Israeil air teachd a'm' ionnfuidhfa: agus mar an ceudna chunnaic mi am fòireigin<sup>a</sup> leis am bheil na h-Eiphitich 'g am fòireigneadh.

10 Agus a nis thig, agus cuiridh mi thu dh'ionnfuidh Pharaoh, a chum as gu'n d'thoir thu mach mo shluagh clann Israeil as an Eiphit.

11 Agus thubhairt Maois re Dia, Cò mise, gu'n rachainn a dh'ionnfuidh Pharaoh, agus gu'n d'tiugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh fo 'na chomhara dhuit, gu'n do chuir mise uam thu: 'nuair a bheir thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois re Dia, Feuch, an uair a thig mi dh'ionnfuidh cloinn Israeil, agus a their mi riu, Chuir Dia bhur n-aithreacha mise d'ar n-ionnfuidh; agus a their iad rium, Ciod is ainm dha? Ciod a their mi riu.

14 Agus thubhairt Dia re Maois, IS MI AN TI A'S MI: Agus thubhairt e, Mar so their thu re cloinn Israeil, Chuir IS MI mise d'ar n-ionnfuidh.

15 Agus thubhairt Dia thuill' air so re Maois, Mar so their thu re cloinn Israeil, Chuir an Tighearna Dia bhur n-aithreacha, Dia Abrahaim, Dia Ifaaic, agus Dia Iacoib, mise d'ar n-ionnfuidh: 's e so m' ainm a chaoidh', agus 's e so mo chuimhneachan do gach uile ghinealach.

16 Imich agus crunnich r'a chéile

<sup>a</sup> fòirneart, ainneart.